



Inatsisartunut ilaasortaq
Storm Ludvigsen, Inuit Ataqatigiit

Sulisinnaajunnaarnermi ikiorsiisarneq pillugu § 37 malillugu apeqqu pillugu

10. december 2012
Suliap normua 2012-077571
All. nr. 1079826

Asasara Inatsisartunut ilaasortaq Storm Ludvigsen.

Sulisinnaajunnaarnermut atatillugu ikiorsiisarneq pillugu Naalakkersuisumut apeqquutigisannut qujanaq.

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat
(+299) 34 66 66
E-mail: ikinn@nanoq.gl
www.nanoq.gl

Apeqqu 1

Inuutissarsiuteqartuulluni sulisinnaajunnaarnermik kingunilimmik arlaatigut ajoqusernermik nalaataqartilluni, taava pisortanut ikioqqulluni saaffiginnikkaanni akissutaasartuq tassaagajuppoq aappat suliffeqarmat ikiorsinnaanngilatsigit. Taava qanoq ukiumut akissarsiaqarsimagaanni atsaat ikiorsiissutinik pisoqarsinnaava? Uani pivara aappaasoq.

Akissut: 1-imut.

Pisortanit ikiorsiisarneq pillugu inatsimmi § 7 imm. 1 malillugu kommunalbestyrelsi nukinginnartumik pisariaqartitsisoqalersillugu ikiorsiisinnaavoq, qinnuteqaateqartoq napparsimalluni, erninerup nalaani, suliffissaaleqaluni, inooqateqarunnaarluni assigisaannilluunniit inuuniarnikkut nalaataqarsimappat, namminerminullu ilaqtamilluunniit pilersornissaannut aningaasartuutinullu aalajangersimasunut pisariaqartitaminik pissarsinissaminut periarfissaarussimalluni.

Kommunalbestyrelsi, pilersuinnermut aamma aningaasartuutitut aalajangersimasunut taamatullu ataasiaannartumik aningaasartuutitut ikiorsiisinnaavoq qinnuteqaateqartoq § 7-imi piimasaqaataasunik naammassinnissimappat aamma

- 1) suliffeqanngippat suliffissamillu naammaginartumik neqeroorfigineqanngippat suleqataallunilu sulinissaminut periarfissaminik iluaquteqarniarpat,
- 2) naleqqussarnissamut ajornartorsiuteqarnermik imaluunniit peqqiilliornermik pissuteqartumik sulisinnaanngitsutut nalilerneqarpat imaluunniit
- 3) napparsimappat ernisimalluniluunniit taamaammallu suliffeqalernissamut piareersimanani.

Tamakku isumaqarput inuk sulinikkut ajoqusersimasoq pisortanit ikiorsiivigineqarsinnaasoq. Sulisinnaanngikkaanni imaakkajuttarpoq pisortanit ikiorsiivigineqalersinnani sulisinnaajunnaarsiutisisoqaqqaartarluni. Piffissaq sulisinnaajunnaarnerisuteqarfiusoq qaangiuppat taava pisortanit ikiorsiissutisarneq atuutilersarpoq.

Pisortanit ikiorserneqarnissamik qinnuteqaraanni taava inooqatigisap/aapparispap isertitai misissorneqartussaapputtaaq paasiniarlugu pilersueqatigiittussaataasoqarmat pisortanit ikiorserneqarnissamik qinnuteqaateqartup aningaasat qanoq amerlatigisut pisinnaanera. Pisortanit ikiorsiissutit pillugit inatsisini aapparispap ukiumut isertitaasa annertussusissaat pillugit aalajangersaasoqarsimanngilaq.

Pisortanit ikiorserneqarnissamik qinnuteqaateqarnermut atatillugu kommunalbestyrelsi naliliissaaq nukinginnartumik pisariaqartitsineq imaluunniit pilersuineranut ikiorsiissuteqarnissaq pineqarnersoq. Aappaasut ilaasa ilaqtutatik pilersorsinnaasarpaat ilaalli taamaalorsinnaasaratik. Aappaasup ilaqutariit pilersorsinnaanngippagit tamanna qinnuteqaateqartup kommunalbestyrelsimut oqaatigissavaa taamaalereerpallu qinnuteqaat piviusorsiorlumik suliarineqassaaq. Pisortanit ikiorsiisarneq pillugu inatsisit malillugit pilersuineranut, aningaasartuutunut aalajangersimasunut ikiorsiissutitut kiisalu ataasiaannartumik aningaasartuutitut ikiorsiisoqarsinnaavoq.

Apeqqut 2:

Illuatungaatigulli aappariit (katinnikut) ukiumoortumik akileraarutitigut nalunaarsuiffimmit nassinneqartarput ilaatigut aappaasoq utertoortoq aappaasoq akiligassalik. Aappaasup akiligassalik aamma akiliuttassanerlugu? Tamanna qanoq nassuiarneqassava?

Apeqqutit aappaannut tunngatillugu Akileraartarnermut Aqutsisoqarfik imatut paasissutissiivoq:

”Aappariit arlamik akileraarutissaasa akilertarnissaannut pisussaaffeqanngillat.

Akileraarutitut tunngatillugu piumasaqaatit 2008 sioqqullugu pilersimasut taamaattoq suli aappaasumut akilersinniarneqarsinnaapput, isertitanit akileraarutit pillugit inatsimmi § 96 maannakkut atorunnaarsinneqarsimasoq malillugu, malittarisassarmi taanna aatsaat 2007-imi ukioq isertitaqarfiusoq 2008 atuutilersumik atorunnaarsinneqarmat.”

Inussiarnersumik inuulluaqqusillunga

Mimi Karlsen